



Gerth Mikaelen
Inatsisartunut ilaasortaq, Naleraq

**Tasiilami ilinniarfeqalernissaq pillugu § 37 naapertorlugu apeqqummut nr.
123/2025-mut akissut**

12-08-2025
Suliap normua: 2025-9824
All. nr. 25627963

Asasara Gerth Mikaelen,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1:

**Naalakkersuisut Tasiilami, Nunatta kangianiluunniit allami,
piorsarsimassutsitsinnut tunngavilimmik ilinniaqqiffiusinnaasumik allatulluunniit
ilinniarfiusinnaasumik pilersitsinissamik pilersaaruteqarpat?**

**a. Naalakkersuisut pilersaaruteqanngikkunik, Nunatta Kangiani sumilluunniit
ilinniaqqiffissamik allatulluunniit ilinniarfeqartitserusunnginneq
nassuiaatigeqquneqarpoq.**

Akissut:

Tasiilami innuttaasunit pisariaqartitatut kissaatigisatullu oqaatigineqartartut Naalakkersuisuni eqqumaffigineqartorujussuupput, taamaattumillu Naalakkersuisut ujartuineq naaperiarniarlugu Kalaallit Nunaanni ilinniakkat ineriartortinneqarnerat pillugu Tasiilami assigiinngitsunik periarfissarsiorlutik, maannakkut Tasiilami ilinniarfimmik pilersitsisinnaanermik periarfissat assigiinngitsut misissorneqarput. Naalakkersuisut qulaani pineqartut iliuusissatut pilersaarutiminni ilanngunneqassaaq, ilinniarfimmik inuussutissarsiutinut tulluarsakkamik ilinniarfiusinnaasooq pikkorissarfiusinnaasorlu ujartuineq naaperiarniarlugu, illoqarfimmi pisariaqartinneqartumi soorlu takornariaqarnermi aamma umiatsiaararsornermi, ilinniarnierlu qitiusumiinnissaa qulakkeerneqassalluni.

Apeqqut 2:

**Tasiilami ingerlariaqqiffiusumik ilinniarfimmik pilersitsisoqarniarpat qanoq
akeqassava, suusinnaava, qaqugulu aallartinneqarsinnaassagaluarpa?**

Akissut:

Tasiilami ilinniarfiusinnaasutut periarfissarsiorneq sulii naammassineqanngimmat sulii maannamut aaqqiissutaasinnaasut qanoq imaqaassanersut, qaqugulu aallartissanersut naatsorsuinissamut sulii periarfissaqanngilaq.

Naalakkersuisut sulii qulakkiinngilaat, Tasiilami ilinniakkamik ilinniarnermik piginnaanngorsarnermillu innuttaasut pisariaqartitaannik kissaataannillu piujuartitsinermik pilersitsisinnaassasoq, tamanna peqataanikkut aammalu digital-ikkut ilinniartitsinermik, paarlakaattunik ilinniartitsinikkut, najugaq qimannagu aamma alimasissumik ilinniartitsinikkut, pikkorissarnerit ilinniarnerrillu sivikitsunik pilersitsinikkut tunniunneqassaaq.

Aammalu Naalakkersuisut pingaartippaat, taama ilinniarfimmik pilersitsinermik, innuttaasunut tamanut pisariaqartitsisunut ornigulluni ilinniarsinnaanermik pilersitsinissaq, tunumiusut kulturiannik kinaassusiannik isiginnittumik, aammalu illoqarfimmi ilinniartitsisunik oqartussaaqataanermik pingaartinneqassaaq, qanoq ilusilersugaagaluarpalluunniit.

Inussiarnersumik inuulluaqqusillunga


Nivi Olsen